



Okantu mpoka pu liwe nokatendo okati-14 kEtsokumweuvathano lyokoMaputo muNamibia naashoka sha pondolwa po pethimbo ndika

Namibia okwa shaina uunake etsokumweuvathano lyokoMaputo nolya eta po omalunduluko ga tya ngiini kombinga yuuthemba waakiintu?



Olya shainwa momasiku 9 yaDesemba 2003
Ta li tulwa miilonga momasiku 11 yaAguste 2004



Etsokumweuvathano olya totha mo sha yela uuthemba waakiintu naanona yaakadhona moNamibia, ihe mboka ye lile po uuthemba waakiintu natango inaye shi pondola nawanawa moku li tula miilonga.

Oshike sha ningwa po okuza momumvo 2020 tashi tsu epangelo omukumo li tule miilonga omatokolo ngoka ga ningile metsokumweuvathano lyokoMaputo?


Pokati koomwedhi Juni na Septemba momumvo 2020, Aanamibia oyendji oya kala ya pumbwa noonkondo okulongitha omikalo dha gamenwa, ano dhi li nawa dhokukutha mo omapunda, shika osha etithwa unene kompumbwe yomiti niilongitho yilwe yokungambeka oluvalo ndyoka ya holoka pethimbo lyomukidhi gwo-Covid 19. Egandjo lyomukandakemo tagu popile ekuthomo lyomapunda pitikwe paveta gwedhina ngoka mOshiingilisa gwedhina #LegalizeAbortionNA ogwa li gwa shainwa kaantu mboka taa popile oshinima shika ya konda pomayovi omilongohamano (60 000). Okuza mpoka epangelo olya kala hali ningi iigongi moshilongo ashihe naakwashigwana tali pulakene kombinga yoshikumpungu shokukutha mo omapunda, oyo li uve ko nawa kutya omadhiladhilo gaakwashigwana oga thikama peni.

Omauthompango ngoka nga tulwa miilonga kepangelo ngaashi etsokumweuvathano lyokoMaputo oge na oonkondo dhi thike peni mokulundulula ooveta dhomoshilongo?

Okatendo okati-144 kekotampango lyaNamibia otaka ti omilanduveta ndhoka epangelo lya zimina okudhi tula miilonga odhi na okukala tadhi longo pamwe nooveta dhomoshilongo shampa ashike itadhi kondjithathana nEkotampango nenge nOoveta dhoPaliamente. Shika otashi ti Etsokumweuvathano lyokoMaputo otali vulu okutulwa miilonga kiikondo yopaveta (ano koompango) nokoombelewa dhilwe dha yama kepangelo hadhi ungaunga niipambele yooveta ngaashi ombelwa yOmbudsman.

Ombapila ndjika yegandjo lyuuyelele otayi tala kutya pakatendo okati-14 ketsokumweuvathano lyokoMaputo, unene tuu kondandalunde mpoka okatendo taka popi kutya:

2.c) Epangelo oli na okukatuka oonkatu adhihe dhi li nawa mokugamena uuthemba waakiintu wu na sha niinima ya pamba omaluvalo tali shi ningi mokupitika aantu ya kuthe mo omala miihakulilo ngele oya kwatwa onkonga, ya ya miihulo pamikalo kadhi li mondjila dhomathiminiko nongele etegelelo ndyoka otali fala uundjolowele womukiintu moshiponga palutu nopamwenyo nenge tashi vulika li etithe omukiintu a se nenge okanona hoka ke li mela nako ka se.



Onkalo moNamibia pethimbo ndika oyi li ngiini opo omuntu a mone eyakulo lyokukutha mo epunda? Omashongo moshinima shika oga tya ngiini?

Oveta yi na sha nekuthomo lyomapunda nengambeko lyoluvalo yomomumvo 1975 otayi pitike opo epunda li kuthwe mo ngele uusimba mbuka otawu tula moshiponga uundjolowele wameme palutu nenge pamadhiladhilo noshikwawo ngele uusimba owe etithwa sho omuntu a kwatwa onkonga nenge a lalwa pamikalo itadhi idhidhimikilwa kadhi li paveta. Nonando shika otashi tsu kumwe nomatsokumweuvathano gokoMaputo, aakiintu oyendji mboka ya pitikwa paveta okuyakulwa kaye na ontseyo yasha nenge itaa vulu okumona eyakulo ndika miipangelo molwashoka oye na oku shi ninga taa pitile momilandu ndhoka dha tulwa po omidhigu lela.

Pethimbo ndika osha pumba noonkondo opo omuntu a kuthwe epunda paveta, nonando aakiintu naAanona Aanamibia ohaa mono iihuna noonkondo taa thiminikwa okuya miihulo, pwaa na elongo lyi ihwa po lyiinima ya pamba omilalo nenge omikalo omipu dhokupewa omiti dhokungambeka oluvalo.

Kakele kaashoka, Uuministeli gwElongo nUuministeli wUundjolowele nOnkalonawa otawu gandja oolopota dhomwaalu gwa londa noonkondo gwaanona aashona taa ningi omapunda. Omashongo ngoka ge li po oga kwatela mo iinima tayi landula:

- Omipopyonayi nokwaa na uuyeleele kombinga yekuthomo lyomapunda pamukalo gu li nawa, ano gwa gamenwa
- Ka pu na uuyeleele wa gwana kombinga yekuthomo lyomapunda moNamibia
- Okuya koondohotola, kOpolisi nokumagestarata opo omuntu a mone epitiko a kuthe mo epunda oshinima tashi pula ethimbo niimaliwa.

Epangelo lyaNamibia otali ningi po shike opo aantu ya mone eyakulo lyokukutha mo omapunda mwa kwatelwa oompango, omilanduveta nomikalo dhilwe?

Omauthompango

- Omalandululo gomilanduveta dhi na sha nekwatokonga oga tulwa po notaga gamene unene oonakuningilwa omiyonena. Oveta yomumvo 2015 yi na sha nEsiloshimpwiyo nEgamenyo lyokanona ndjoka ya pingene po ooveta dhopethimbo lyokatongotongo oya tala koshinima shomiyalu dhi li pombanda noonkondo dhi na sha nemonitho lyaantu lyiihuna paihulo muNamibia.

- Oonkatu dhopambeleva

Momumvo 2022, ompangu yotangotango ndjoka ya nuninwa okugamena noku uvitha uugumbo oonakulongelwa omiyonena dhopaihulo oya li ya patululwa opo yi gandje ehala lya gamenwa koonakuhupa komiyonena dholudhi nduka ya mone eyakulo lyopaveta pamukalo gu li nawa itaa monithilulwa ishewe iihuna.



Oshike tandi vulu okuninga ngele itandi vulu okupewa uuthemba ndi kuthe mo epunda?

Pethimbo ndika kapu na naanaa omilanduveta gwopambeleva tagu vulu okulandulwa kaantu mboka ya tindilwa kasha li pauyuuki okukutha mo omapunda miipangelo? Tse ishewe katu shi kutya aantu yangapi haa indile okukutha mo omapunda, oshinima shika otashi ningi onkalo ondhigu opo omulandu gu hwepopalekwe. Nando ongawo oto vulu okulopota iinima mbyoka tayi longwa pamikalo inadhi uthwa nenge dha puka

- kOmbelweya yOmbudsman kombinga yomanyenyeto ge na sha nAapolisi
- KuAmushanga gwOkakomisi kOomagestrata uuna omanyenyeto ge na sha noomagestrata
- KEhangano lyAalongi yopauhaku lyaNamibia ngele omanyenyeto oge na sha naaniilonga yopauhaku miipangelo nenge muukilinika

Sister Namibia okwa longa po shike

Sister Namibia okwa kala ta popile aakiintu nokukondopaleka uuthikepamwe wopaukashike-ko-okantu moNamibia okuza momumvo 1989. Ehangano ndika olya kala tali longo lya taalela iinima ya yooloka kondandalunde uulethimbo woomvula omilongo ndatu dha piti, mbika oya kwatela mo eungaungo niinima ya pamba omahepekathano gopaihulo niinima ya guma uuyuuki wiipambeleva yomalualo.